



KABINET DIREKTORA

Broj: 01-02-2- 1223-3 /20
Banja Luka, 08.05., 2020. godine

Na osnovu člana 35. Zakona o carinskoj politici Bosne i Hercegovine ("Službeni glasnik BiH", br. 57/04, 51/06, 93/08, 54/10 i 76/11), člana 8. stav 1. Zakona o sistemu indirektnog oporezivanja u Bosni i Hercegovini ("Službeni glasnik BiH", br. 44/03, 52/04, 34/07, 4/08, 49/09, 32/13 i 91/17), člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), direktor Uprave za indirektno oporezivanje donosi

ODLUKU

**O IZMJENI ODLUKE O POSEBNIM SLUČAJEVIMA U
KOJIMA SE NE PODNOSI PROVOZNA CARINSKA PRIJAVA**

Član 1.

U Odluci o posebnim slučajevima u kojima se ne podnosi provozna carinska prijava, broj: 01-02-2-1223-1/20 od 07.05.2020. godine, član 3. mijenja se i glasi:

"Član 3.

- (1) Osim ako to deklarant želi, podnošenje provodne prijave ne zahtijeva se kada se roba koja ulazi u carinsko područje preko Graničnog prelaza Rača, po zahtjevu deklaranta, prijavljuje za odgovarajuće carinsko odobreno postupanje ili upotrebu Carinskoj ispostavi Bijeljina u sljedećim slučajevima:
 - a) za robu bez obzira na njeno odredšte u Bosni i Hercegovini, pod uslovom da za istu nema ograničenja odnosno ničim nije isključena nadležnost Carinske ispostave Bijeljina,
 - b) za zbirnu pošiljku iz stava (3) ovog člana.
- (2) Stav (1) ovog člana ne primjenjuje se za robu koja ulazi u carinsko područje preko Graničnog prelaza Rača, a nije u pitanju zbirna pošiljka iz stava (3) ovog člana, u sljedećim slučajevima:
 - a) ako je za predmetnu robu nadležna druga carinska ispostava (bilo da je ta nadležnost propisana, npr. slučaj kod određenih carinskih povlastica ili drugo, ili je nadležnost određena carinskim odobrenjem koje se odnosi na predmetnu robu, dozvolom za uvoz ili drugo),
 - b) ako je u pitanju roba koja će se prijaviti za odgovarajući uvozni postupak po lokalnom uvoznom carinjenju u skladu sa važećim carinskim odobrenjem, nezavisno da li je tim odobrenjem i/ili odobrenjem za status ovlaštenog primaoca, kao nadzorna carinska ispostava, određena Carinska ispostava Bijeljina ili neka druga carinska ispostava.
- (3) U slučaju kada predmetna zbirna pošiljka, pored robe iz stava (1) tačka a) ovog člana sadrži i robu iz stava (2) ovog člana postupanje je sljedeće:
 - a) roba iz stava (2) ovog člana mora biti prijavljena Carinskoj ispostavi Bijeljina za postupak provoza po provodnoj prijavi, radi njenog upućivanja u nadležnu odredišnu carinsku ispostavu,


- b) ako je za robu iz stava (2) tačka b) ovog člana, po odobrenju za lokalno uvozno carinjenje i/ili za status ovlaštenog primaoca, kao nadzorna carinska ispostava, određena Carinska ispostava Bijeljina, u tom slučaju za istu se ne može koristiti lokalno uvozno carinjenje niti status ovlaštenog primaoca, nego redovan postupak.
- (4) U slučajevima iz stava (1) ovog člana, Carinski referat na graničnom prelazu Rača će, radi identifikacije robe, staviti carinske plombe, gdje je to moguće u skladu sa carinskim propisima.
- (5) Roba iz stava (2) ovog člana koja se unosi u carinsko područje preko Graničnog prelaza Rača mora se prijaviti za postupak provoza podnošenjem proвозne prijave Carinskom referatu na tom graničnom prelazu.
- (6) Carinski referat na Graničnom prelazu Rača i Carinska ispostava Bijeljina urediće u pisanoj formi način na koji će se međusobno obavještavati o upućivanju robe i njenom predočenju odnosno prijavljivanju Carinskoj ispostavi Bijeljina, način razduživanja iste i drugo od uticaja na primjenu ove odluke."

Član 2.

Ova odluka stupa na snagu danom preseljenja Carinske ispostave Bijeljina na novu lokaciju u Bijeljini i objavljuje se na Web stranici UIO: www.uino.gov.ba u dijelu pod nazivom "Propisi".

Dostaviti:

1. Regionalnim centrima
2. Kabinetu direktora
3. Sektorima i Odjeljenjima UIO
4. Web stranica UIO: www.uino.gov.ba
5. a/a



DIREKTOR

[Signature]
Dr. MIRO DŽAKULA